

საქართველოს იუსტიციის სამინისტრო  
Ministry of Justice of Georgia



სსიპ „ციფრული მმართველობის სააგენტო“ LEPL “Digital Governance Agency”



KA012199187704521

გორგასლის ქ.22, ქ.თბილისი 0114, საქართველო; ტელ.:2405818; ელფოსტა:info@dga.gov.ge  
22 Gorgasali st. Tbilisi 0114, Georgia; Tel.: 2405818, E-mail: info@dga.gov.ge  
www.my.gov.ge

№21/395

10 / დეკემბერი / 2021 წ.

საქართველოს იუსტიციის სამინისტროს სსიპ „ციფრული მმართველობის სააგენტოს“ ანგარიში  
ინფორმაციის თავისუფლების შესახებ

2021 წელი

„საქართველოს ზოგადი ადმინისტრაციული კოდექსის“ 49-ე მუხლის შესაბამისად, წარმოგიდგენთ საქართველოს იუსტიციის სამინისტროს სსიპ „ციფრული მმართველობის სააგენტოში“ საჯარო ინფორმაციის გაცემის მოთხოვნით შემოსული განცხადებებისა და მათზე რეაგირების, ასევე, დაცული პერსონალური მონაცემების შეგროვების, დამუშავების, შენახვისა და სხვისთვის გადაცემის შესახებ 2021 წლის ანგარიშს (მოიცავს 2020 წლის 10 დეკემბრიდან 2021 წლის 10 დეკემბრამდე პერიოდს):

ა) საქართველოს იუსტიციის სამინისტროს სსიპ „ციფრული მმართველობის სააგენტოში“ 2020 წლის 10 დეკემბრიდან 2021 წლის 10 დეკემბრამდე საჯარო ინფორმაციის გაცემის მოთხოვნით სულ შემოვიდა 29 განცხადება, რომელთაგან ელექტრონული ფორმით შემოსული განცხადებების რაოდენობამ შეადგინა 20 ერთეული.

საქართველოს ზოგადი ადმინისტრაციული კოდექსისა და „საჯარო ინფორმაციის ელექტრონული ფორმით მოთხოვნისა და პროაქტიულად გამოქვეყნების შესახებ“ საქართველოს მთავრობის 2013 წლის 26 აგვისტოს № 219 დადგენილების მოთხოვნების შესაბამისად, საჯარო ინფორმაციის შესახებ მოთხოვნების სსიპ „ციფრული მმართველობის სააგენტოში“ ელექტრონული ფორმით წარმოდგენა უზრუნველყოფილია სსიპ „ციფრული მმართველობის სააგენტოს“ მიერ ადმინისტრირებული ვებგვერდის (MY.GOV.GE) მეშვეობით.

საანგარიშო პერიოდში საჯარო ინფორმაციაში შესწორების შეტანის თაობაზე სსიპ „ციფრული მმართველობის სააგენტოში“ მოთხოვნა არ შემოსულა;

ბ) საანგარიშო პერიოდში საჯარო ინფორმაციის გაცემის მოთხოვნით სსიპ „ციფრული მმართველობის სააგენტოში“ შემოსული 29 განცხადებიდან სსიპ „ციფრული მმართველობის სააგენტოს“ კომპეტენციას მიეკუთვნებოდა 28 განცხადება, რომელთაგან :

- 25 დაკმაყოფილდა;
- 3 განცხადებაზე მიმდინარეობს ინფორმაციის მოძიება/დამუშავება.

რაც შეეხება დარჩენილ 1 განცხადებას, მასში მითითებული საკითხები მიეკუთვნებოდა სხვა ადმინისტრაციული ორგანოს უფლებამოსილების სფეროს და, შესაბამისად, განცხადება გადაეგზავნა უფლებამოსილ ადმინისტრაციულ ორგანოს;

საანგარიშო პერიოდში საჯარო ინფორმაციის გაცემაზე უარის თქმის შესახებ გადაწყვეტილება სააგენტოში არ მიღებულა.

საჯარო ინფორმაციის გაცემის მოთხოვნებზე რეაგირებისათვის სააგენტოში საჯარო ინფორმაციის გაცემაზე პასუხისმგებელ პირად განსაზღვრულია თამარ გვენეტაძე (ადმინისტრაციის (დეპარტამენტი) უფროსი).

გ) „ინფორმაციის ერთიანი სახელმწიფო რეესტრის შესახებ“ საქართველოს კანონის საფუძველზე შეიქმნა ინფორმაციის ერთიანი სახელმწიფო რეესტრი, რომელიც წარმოადგენს საჯარო სექტორში არსებული მონაცემთა ბაზების, რეესტრების, მომსახურებისა და ინფორმაციული სისტემების ერთიან კატალოგს (მონაცემების სისტემატიზებული სია ან ჩანაწერი, რომელიც შეიცავს მათ აღწერილობას). ამავე კანონის მე-3 მუხლის მე-2 პუნქტის თანახმად, სსიპ „ციფრული მმართველობის სააგენტო“ აწარმოებს ინფორმაციის ერთიან სახელმწიფო რეესტრს. ამასთან, გემოსხეხებული კანონის მე-8 მუხლის პირველი პუნქტის თანახმად, სსიპ „ციფრული მმართველობის სააგენტო“ არ ახორციელებს მისთვის მიწოდებული ინფორმაციის შინაარსის გარჩევას, დამუშავებას ან შეცვლას რაიმე ფორმით. ის ინარჩუნებს ინფორმაციულ ნეიტრალიტეტს.


სსიპ „ციფრული მმართველობის სააგენტო“ „საჯარო სამართლის იურიდიული პირის – ციფრული მმართველობის სააგენტოს შესახებ“, „ინფორმაციული უსაფრთხოების შესახებ“, „ინფორმაციის ერთიანი სახელმწიფო რეესტრის შესახებ“ საქართველოს კანონებითა და სააგენტოს დებულებით დაკისრებული საჯარო უფლებამოსილების ფარგლებში ახორციელებს სხვადასხვა მონაცემის, მათ შორის, პერსონალური მონაცემების, შეგროვებასა და შენახვას „პერსონალურ მონაცემთა დაცვის შესახებ“ საქართველოს კანონის მოთხოვნების შესაბამისად, მხოლოდ ამ კანონით გათვალისწინებული საფუძველების არსებობისას, კანონით დადგენილი დამუშავების პრინციპების დაცვით. სააგენტოში დაცულია პერსონალური მონაცემები როგორც ელექტრონული, ისე მატერიალური სახით. სსიპ „ციფრული მმართველობის სააგენტოს“ ელექტრონული მართვის სისტემაში, ასევე, ინახება ელექტრონული ფორმით არსებული პერსონალური მონაცემები. აღნიშნულ მონაცემებზე წვდომა აქვთ მხოლოდ იმ თანამშრომლებს, რომლებსაც, მათი სამსახურებრივი საქმიანობიდან გამომდინარე, უშუალოდ აქვთ მინიჭებული ამგვარი მონაცემების დამუშავების უფლებამოსილება. ელექტრონული მართვის სისტემაში არსებული პერსონალური მონაცემების უსაფრთხოება უზრუნველყოფილია შესაბამისი ინფორმაციულ-ტექნოლოგიური საშუალებებით, რაც, თავის მხრივ, გამორიცხავს არაუფლებამოსილი პირებისათვის პერსონალურ მონაცემებზე წვდომას.

საანგარიშო პერიოდში სსიპ „ციფრული მმართველობის სააგენტოს“ მიერ პერსონალური მონაცემების გაცემა ხორციელდებოდა მხოლოდ საქართველოს ზოგადი ადმინისტრაციული კოდექსითა და „პერსონალურ მონაცემთა დაცვის შესახებ“ საქართველოს კანონით დადგენილ შემთხვევებში და კანონით გათვალისწინებული საფუძველებით.

დ) სსიპ „ციფრული მმართველობის სააგენტოს“ თანამშრომლების მხრიდან არ გამოვლენილა საანგარიშო პერიოდში შემოსულ მოთხოვნებთან დაკავშირებით „საქართველოს ზოგადი ადმინისტრაციული კოდექსის“ მესამე თავის დარღვევისა და ამ საფუძველით დისციპლინური სახდელის დადების ფაქტი.

ე) საანგარიშო პერიოდის განმავლობაში საჯარო ინფორმაციის მოთხოვნებთან დაკავშირებით სსიპ „ციფრული მმართველობის სააგენტოს“ გადაწყვეტილება არ გასაჩივრებულა. ასევე, სსიპ „ციფრული მმართველობის სააგენტოს“ მიერ ინფორმაციის დამუშავებასა და გაცემასთან დაკავშირებით არ წარმოშობილა ხარჯები.

სსიპ ციფრული მმართველობის სააგენტოს  
თავმჯდომარე

ხელმოწერილია/  
შტამბდასმულია  
ელექტრონულად 

დავით ნადირაშვილი